

Saopštenje

Rezultati evaluacije prijedloga projekata u sklopu Javnog poziva objavljenog u okviru zajedničkog regionalnog programa „Dijalog za budućnost“

15. 05. 2020. godine

Tim regionalnog programa „Dijalog za budućnost“ se zahvaljuje svim podnosiocima više od 200 projektnih prijedloga iz Bosne i Hercegovine, Crne Gore i Republike Srbije na trudu i odličnim idejama za jačanje kapaciteta mladih, bolju medijsku i informacijsku pismenost i medijsko izvještavanje, unaprijeđenje dijaloga i djelovanja za opšte dobro, unaprijeđenje obrazovnog sistema u svrhu postizanja društvene kohezije, unaprijeđenje ravnopravnosti spolova, promovisanje kulturne raznolikosti i interkulturalnog razumijevanja, te zaštitu životne sredine.

Tokom procesa evaluacije **ukupno 19 prekograničnih projekata je odabrano za finansiranje** kroz javni poziv na koji su se mogle prijaviti organizacije civilnog društva, javne ustanove i općine/opštine, a njihovom realizacijom se daje doprinos okvirnom cilju i namjeri ovog regionalnog programa: unaprijediti društvenu koheziju i dijalog, unutar i između, Bosne i Hercegovine, Crne Gore i Republike Srbije. U kriznim situacijama kakva je pandemija koja je pogodila cijeli svijet, upravo je društvena kohezija ključni oslonac i resurs na koji se svako društvo oslanja kroz jačanje međuljudskih pozitivnih veza solidarnosti i volonterizma, za dobrobit i blagostanje zajednice kao cjeline.

Zajednički regionalni program „Dijalog za budućnost“ implementiraju UNDP, UNICEF i UNESCO, uz podršku ureda rezidentnih koordinatorica UN-a u Bosni i Hercegovini, Crnoj Gori i Republici Srbiji, i finansijsku podršku Fonda UN-a za izgradnju mira (PBF).

Lista projekata odobrenih za finansiranje:

BOSNA I HERCEGOVINA		
Aplikant	Partner	Naziv projekta
Muzej savremene umjetnosti Republike Srpske	Umetnička galerija „Nadežda Petrović“ Čačak; Narodni muzej Crne Gore, Cetinje	„Teritorija kulture“
Centar za razvoj omladinskog aktivizma CROA	Otvoreni centar „BONA FIDE“, Pljevlja	„Umjetnost demokratije“
East West Centar Sarajevo	Novi Tvrđava Teatar Novi Sad, JU “Grad Teatra”, Budva	„Pozorište kao dijalog, kulturna raznovrsnost i interkulturalno razumjevanje“
Udruženje građana „Nevid teatar“	Udruženje dramskih umetnika Srbije	„Obrazovanje kroz igru“
Udruženje žena “Maja” Bratunac	Udruženje žena „Priroda“ Bratunac; Udruženje žena „Vila“ Ljubovija; NVO „Kisele Vode“ Bijelo Polje	„Saradnja i kultura za budućnost“

Zajednički regionalni program „Dijalog za budućnost“ implementiraju UNDP, UNICEF i UNESCO u Bosni i Hercegovini, Srbiji i Crnoj Gori, a finansira ga Fond UN-a za izgradnju mira (PBF).

Javna ustanova „Srednja tehnička škola„ Tešanj	Tehnička škola, Čačak	„Zeleni Zapadni Balkan – bolji Zapadni Balkan“
Javna ustanova Bosanski kulturni centar Kantona Sarajevo	Javna Ustanova kulturno–informativni centar "Budo Tomović" Podgorica	„Glasovi mira“
Udruženje građana oštećenog vida, Tuzla	Gradska organizacija slepih Beograd, Savez slijepih Crne Gore	„Osnaživanje slijepih žena za borbu protiv nasilja, diskriminacije i rodne neravnopravnosti“
CRNA GORA		
Aplikant	Partner	Naziv projekta
Dramski studio "Prazan prostor"	Udruženje „AkustikUm-Muzička omladina BiH"	„Umjetnost razumijevanja“
Crveni krst Crne Gore	Društvo Crvenog krst/križa Bosne i Hercegovine	„Mladi kao pokretači promjena u društvu“
SOS Telefon za žene i djecu žrtve nasilja, Nikšić	Udruženje "Žena BiH", Mostar	„Glasovima žena protiv rodno zasnovanog nasilja u Crnoj Gori i BiH“
Djeca Crne Gore	Udruženje „Mreža za izgradnju mira“ Sarajevo	„Interkulturalnost u obrazovanju“
Eco centar Delfin	REDAH – asocijacija za ekonomski razvoj	„Obrazovanje za održivi razvoj UNESCO baštine“
REPUBLIKA SRBIJA		
Aplikant	Partner	Naziv projekta
MODS	„Naša djeca“ Sarajevo	„Deca kažu...“
Grupa 484	Udruženje „Vaša prava“ BiH	„Interkulturalni dijalog – dijalog za budućnost (ID za budućnost)“
Beogradski centar za ljudska prava	Helsinški odbor za ljudska prava, Bijeljina; NVO „JUVENTAS“ Podgorica	„Mreža mladih branitelja/ki ljudskih prava za obrazovanje, rad i stanovanje“
Krovna organizacija mladih Srbije	Vijeće mladih Federacije Bosne i Hercegovine	„Kultura dijaloga“
Grupa „Hajde da“	Inicijativa mladih za ljudska prava u Bosni i Hercegovini	„Priča o različitosti – živa biblioteka“
Udruženje "Nova Iskra Kreativni Hab"	Zaklada za inovacijski i tehnološki razvoj „INTERA“	„Media Youth Hub: Razvoj digitalne i medijske pismenosti mladih u Bosni i Hercegovini i Srbiji“

U Bosni i Hercegovini, rezidentna koordinatorica Ujedinjenih nacija, dr. Ingrid Macdonald, je podvukla važnost odabranih projekata, posebno u ovim izazovnim vremenima: *“Bilo mi je izuzetno drago vidjeti takav broj inovativnih i angažovanih projekata koji su pristigli u sklopu zajedničke inicijative Dijalog za budućnost. Kako se krećemo prema “novom normalnom stanju”, jedinstveni pristup ove inicijative u Bosni i Hercegovini, Crnoj Gori i Srbiji, sa fokusom na društvenu koheziju zajednica, ima svoju posebnu vrijednost. U proteklih nekoliko mjeseci smo svjedočili da tamo gdje postoji veća solidarnost, uzajamno poštovanje, razumijevanje i raznolikost – tu je i veća otpornost na krizu; tu je osnaženo povjerenje i angažman u zajednici, te veća šansa za prosperitetan oporavak. Radujem se budućoj prilici da vidim nagrađene projekte u praksi i zahvaljujem našim timovima UNDP-a, UNICEF-a i UNESCO-a na vođenju ovog značajnog procesa.”*

Odabrani projekti imaju za cilj – prije svega - osnažiti zajednice, sa fokusom na mlade i žene, za jači angažman i društveno djelovanje. **Gospođa Steliana Nedera, predstavnica UNDP-a u BiH,** istakla je: *„Tako sam nadahnuta kako su različite organizacije iz BiH u partnerstvima sa organizacijama iz Srbije i Crne Gore dale svoj kreativni sadržaj i značenje viziji UN-a da “niko ne smije biti zapostavljen”. Raznolikost i kreativnost ideja, bilo da se fokusiraju na davanje prostora mladima sa oštećenjem sluha i govora u okviru teatra i muzičkih formi ili osiguravanje da se glasovi i prioriteta žena sa oštećenjem vida čuju u cijeloj regiji, su prava inspiracija svima nama ovdje. Partnerstva u kojima težimo većem uključivanju i dijalogu su ključna za unapređenje socijalne kohezije u BiH i regionu.*

U Bosni i Hercegovini, zajednički je tim Dijaloga za budućnost evaluirao projektne prijedloge primljene za svih sedam prioriteta, i sa velikim brojem predloženih partnerstava sa organizacijama i institucijama u Crnoj Gori i Republici Srbiji.

U osvrtu na nagrađene prijave, **dr. Rowan Khan, predstavnica UNICEF-a u BiH** je rekla: *„Mi u UNICEF-u smo s oduševljenjem primijetili da jedna od uspješnijih aplikacija dolazi iz javne srednje škole, te da su adolescenti uključeni kao agenti promjene u procesima društvene kohezije na jedan inovativan i participativan način. Impresionirani smo i modelom forum teatra, koji mladima omogućava da se povežu i izraze svoje najdublje nedoumice i probleme, na jedan kreativan, savremen način, koji ih ohrabruje da tako prepoznaju i sličnosti i razlike, što je preduslov društvene kohezije.”*

Trenutna zdravstvena kriza ima ogromne posljedice po kreativni sektor u cijelom svijetu, regionalno i u svakoj zemlji. Iako su donesene mjere dovele do zatvaranja muzeja, biblioteka i drugih kulturnih ustanova, otkazivanja koncerata i predstava, i direktno uticale na kapacitet ovog sektora da kreira i distribuira nova umjetnička djela i kulturni sadržaj, što je umanjilo različitost umjetničkih izraza širom svijeta – umjetnici i kulturni radnici širom svijeta osmislili su inovativna i kreativna rješenja, i korištenjem digitalnih alata nastavili svoj rad i povezivanje sa publikom. Ova neviđena kriza pokazala je da kultura igra središnju ulogu u izgradnji otpornosti i društvene kohezije, saopštio je UNESCO.

“Danas nam je istinsko zadovoljstvo najaviti nekoliko kreativnih inicijativa koje promovišu kulturnu raznolikost i interkulturalno razumijevanje, sa fokusom na kulturne razmjene i međunarodni timski rad, izražaj mladih kroz teatar, te različite mogućnosti učenja kroz saradnju sa zajednicama iz BiH, Crne Gore i Republike Srbije na polju interkulturalnog dijaloga. Istraživanjem prirodnog i kulturnog naslijeđa, životne sredine i nauke, obrazovanja, kreativnosti i umjetnosti, ove inicijative okupljaju mlade, radnike u

Zajednički regionalni program „Dijalog za budućnost“ implementiraju UNDP, UNICEF i UNESCO u Bosni i Hercegovini, Srbiji i Crnoj Gori, a finansira ga Fond UN-a za izgradnju mira (PBF).

kreativnim industrijama i stavljaju dodatni naglasak na osnaživanje žena. Radujemo se novim partnerstvima i zajedničkom radu te inspirativnim idejama i izazovima“, zaključio je g. Siniša Šešum, šef ureda, antena ured u Sarajevu, Regionalni biro UNESCO-a za nauku i kulturu u Evropi

-kraj-

Za više informacija:
Registry.ba@undp.org